

Athbhreithniú Airgeadais



Athbhreithniú Airgeadais

	2008 €m	2007 €m	Athrú €m	Athrú %
Ioncam	3,515	3,514	1	-
Brabús oibriúcháin	340	523	(183)	(35%)
Brabús iarchánach	273	432	(159)	(37%)
Caipítíl	1,094	903	191	21%
Glanfhiachas	(2,088)	(1,797)	(291)	16%
Clúdach úis EBIT (faoi)	3.5	5.0	(1.5)	(30%)
Giaráil	42.4%	39.5%	2.9%	7%
Toradh ar chaipiteal in usáid	6.6%	10.0%	(3.4%)	(34%)

Forbheathnú


Tá torthaí grúpa do 2008 láidir, le hIoncam agus Brabús larchánach ag €3.5 billiún agus €273 milliún faoi seach. Chuir na gnóthais neamhrialaithe go háirithe leis an toradh láidir seo, ag déanamh suas cuid shubstaintiúil de na brabúis. Tá ráiteas tugtha ar thorthaí na bliana tar éis lascaire de €300 milliún a sholáthar chun an gá atá le méaduithe taraife a mhaolú do gach custaiméir leictreachais.. Lean an clár substaintiúil caipítíl ar aghaidh le linn na bliana, le hinfheistíocht de €1.1 billiún, ar caitheadh €630 milliún de i ngnó na nGréasán. Tháinig méadú de beagnach €300 milliún ar 2007 ar fhiachas glan ag €2.1 billiún le hús gearála agus EBIT ag 42% agus 3.5 uair faoi seach. Tá an toradh ar an gCaipiteal a cuireadh i bhfeidhm ag 6.6%, ráta atá níos ísle ná 2007 ach a léiríonn tionchar na ranníocaíochta de €300 milliún.

Ioncam

Tá comparáidí bliana ar bhliain d'ioncam agus costais fuinnimh saofa ag tabhairt isteach an MAL go mall i 2007, as a dtáinig athruithe sna dóigheanna ina dtabhaíonn an Grúpa díolacháin agus ceannacháin leictreachais. Siocair thionchar an mhargaidh nua ar chomparáidí bliana ar bhliain, laghdaíodh ioncam agus costais fuinnimh araon de €250 milliún i 2008.

I gcomhthéacs an méid thuasluaite, b'ionann ioncam, lena n-áirítear ioncam feidhmíochta eile, agus €3.5 billiún don bhliain, rud a bhí comhsheasmhach le 2007, le saobhadh MAL atá thuasluaite agus diúscairtí réadmhaoine níos ísle ag fritháireamh an fháis fhoriomláin margaidh san MAL agus taraifí leictreachais níos airde.

Brabús larchánachais



Costais oibriúcháin

Mhéadaigh costais oibriúcháin €184 milliún ar 2007 go €3.2 billiún, agus bhain €143 milliún de seo le costais bhreosla. Méadaigh costais bhreosla sa GWh de 30% ar 2007.

Brabús Oibriúcháin

Ba €340 milliún (2007: €523 milliún) an brabús oibriúcháin don bhliain 2008, rud a chiallaigh laghdú de €183 milliún ar 2007, ag léiriú tionchar an lacáiste chustaiméara de €300 milliún.

Comhfhiontair

Ba bhliain mhaith eile i 2008 d'infheistíochtaí comhfhiontair, ag giniúint €63 milliún don Ghrúpa (2007: €47 milliún). Chuir táirgeacht mhéadaithe ón bhfearas Synergen go háirithe leis an toradh feabhsaithe.

Cánachas

B'ionann an Muirear Cánach Grúpa do 2008 agus €31 milliún (2007: €48 milliún), rud a léiríonn ráta cánacha éifeachtach de 12.7% (2007: 11.2%) nuair a bhaintear an scair de bhrabús chomhfhiontair as an áireamh.

Brabús Iarchánach

Léiríonn an brabús iarchánach, ag €273 milliún (2007: €432 milliún), tionchar na ranníocaíochta €300 milliún le custaiméirí leictreachais agus torthaí láidre ó na gníomhaíochtaí neamhrialaithe lena n-áirítear toradh ardaíthe ó infheistíochtaí Comhfhiontair.

Feidhmíocht Aonaid Ghnó

Is ionann an Brabús Grúpa iarchánach de €273 milliún agus €199 milliún do Ghiniúint Cumhachta, €49 milliún do Ghréasán, €99 milliún do na gnóthais neamhrialaithe, fritháirithe ag cailteanais de €74 milliún sa ghnó Soláthair.

- Tá brabús Ghiniúint Cumhachta thíos €33 milliún ar 2007 go príomha toisc corrlaigh fuinnimh níos ísle, sciar an mhargaidh laghdaithe agus sciar Ghiniúint Cumhachta den lacáiste chustaiméara de €300 milliún i 2008.
- Thit brabús Ghréasán chomh maith de €90 milliún i gcomparáid le 2007 agus léiríonn seo sciar Ghréasán den lacáiste custaiméara de €300 milliún agus costais úis níos airde fritháirithe ag tionchar glan méadaithe taraife Ghréasán i 2008.
- Thit brabús Soláthair €87 milliún ar 2007, tiomáinte go príomha ag fo-aisghabháil rialála do 2008 mar thoradh ar mhéadaithe suntasacha i bpragsanna breosla le linn na bliana.
- Mhéadaigh na brabús ó na gnóthais neamhrialaithe €51 milliún i gcomparáid le 2007, rud a léirigh an toradh feabhsaithe ó na fearais ghiniúna neamhspleácha fritháirithe ag diúscairtí sealúchais laghdaithe i 2008.


Caiteachas Caipitil

Rinne an Grúpa infheistiú de €1.1 billiún go díreach i gcláir chaipitil le linn 2008. Tabhaíodh €124 milliún sa bhreis agus léiríonn sé scair infheistíochta caipitil an Ghrúpa trína chomhfhiontair. Caitheadh €630 milliún ar Bhonneagar Leithdháilte agus Tarchuir amháin, rud a d'fhág gur infheistíodh breis agus €3 bhilliún le cúig bliana anuas. D'infheistigh Ghiniúint Cumhachta €263 milliún agus bhain seo go príomha leis na tionscadail seo leanas:


- Dul chun cinn ar thógáil an fhearais nua CCGT 430 MW ag Áth Fhada, Co. Chorcaí; agus
- an Tionscadal Iarfheistithe Comhshaoil i nGob na Muine, Co. an Chláir a laghdóidh go suntasach na hastaíochtaí dé-ocsaíde sulfair (SOx) agus ocsaíde nítrigine (NOx) ón stáisiún thar na deich mbliana atá romhainn.

D'infheistigh ESB International €180 milliún le linn 2008 lena n-áirítear €102 milliún ar infheistíochtaí inathnuaite agus €62 milliún i dtionscadal CCGT 860MW Carrington, Mórcheantar Mhanchain.

Feidhmíocht Aonaid Ghnó (Brabús Iarchánach)



Glanfhiachas agus Giaráil



Glanfhiachas agus Giaráil

Ag deireadh na bliana b'ionann an glanfhiachas (iasachtaí de €2.2 billiún lúide airgead de €83 milliún) agus €2.1 billiún (2007: €1.8 billiún). Tháinig airgid a gineadh ó oibríochtaí le linn na bliana chuig €872 milliún agus tháinig riachtanais mhaoiniúcháin do chlár caipitil 2008, ús, íocaíochtaí dibhinne agus riachtanais mhaoiniúcháin eile chuig €1.1 billiún. Laghdaigh an athluacháil fiachais, ag rátaí malairte eachtraí dheireadh bliana agus rátaí úis malairte, mar atá riachtanach faoi CCI 21, an t-iarmhéid fiachais faoi €33 milliún. Bhí giaráil ag 42% ag deireadh na bliana agus bhí 61% den phunann fiachais ag rátaí úis seasta. Ba é 5% an meánráta cúpóin.

Sochair d'Fhostaithe

Maidir le tuairisciú airgeadais faoi AE CTAI, breithníodh na costais dlíteanais agus pinsin iomlána agus na dlíteanais iomchuí a bhíonn le taifeadadh sna ráitis airgeadais á gcinneadh, d'ainneoin nach gnáthscéim sochair shainithe a bhaineann le hiarmhéid costais í an scéim seo, ina mbeadh an fostóir faoi dhlíteanais íoc as fuilleach na ranníocaíochtaí a theastódh chun na sochair a mhaoiniú.

D'fhonn AE CTAI a chomhlíonadh, bhí cuid de ghlan sócmhainní agus de ghlandlíteanais scéim phinsin shainithe BSL, ríofa de réir CCI 19, curtha san áireamh sa chlár comhardaithe faoi dhlíteanais fostaí-bhainteacha. Agus cuntas á thabhairt don easnamh pinsin bhain BSL leas as an rogha an chuid neamhaitheanta den easnamh pinsin a chur siar thar saolta seirbhíse amach anseo. Ag deireadh na bliana 2008 b'ionann an t-easnamh pinsin, ríofa de réir CCI 19, agus €2.6 billiún, sin méadú de €1.2 billiún ar 2007. Léiríonn seo go príomha éifeacht an choir chun donais eacnamaíoch ar luacháil shócmhainní an chiste.

Rialáil

Ó bhí Samhain 2007 ann agus ó thabhairt isteach an Mhargaidh Aonair Leictreachais (MAL), tá luach mórdhíola leictreachais tiomáinte trí mheán an mhargaidh, agus díoltar an leictreachas uile a ghintear i gcómhargadh a ndéanann an CRF agus Rialtóir Fóntais Thuaisceart Éireann maoirseacht air. Glacann Giniúint Cumhachta BSL páirt sa mhargadh leictreachais cosúil le gineadóirí eile. Mar thacaíocht d'fhorbairt an MAL, dhiol Giniúint Cumhachta BSL 13 TWh de Chonarthaí Dífriochta ar threoraigh an CRF ocht gcinn díobh. Chuir sé seo cumhacht ar fáil d'iomaitheoirí eile sa mhargadh ar luach socraithe.

Leagann an CRF amach taraifí leictreachais roimh an mbliain ábhartha, bunaithe ar réamhfhaisnéis maidir le héileamh

custaiméara agus costais iomchuí araon. Mar is amhlaidh le réamhfhaisnéis ar bith, bíonn difríocht ann beagnach i gcónaí idir sin agus fíorthradh na bliana, as a leanann tearc-aisghabháil ioncain nó ró-aisghabháil ioncain ag BSL. Déanann an CRF coigeartú ar aon tearc-aisghabháil nó ró-aisghabháil ioncain ceadaithe maidir leis na cinntí praghaís a leagan amach do bhlianta ina dhiaidh sin. Chomh maith leis sin, is féidir sainchostais a léirítear sa ráiteas ioncain a aisghabháil sa taraif i dtréimhsí cuntasaióchta éagsúla nó thar roinnt tréimhsí cuntasaióchta. Féadfaidh éagsúlachtaí ábhartha sna brabúis bhliantúla a thuilleann na gnóthaí rialaithe aonair leanúint as difríochtaí uainiúcháin den sórt sin agus féadfaidh siad a bheith ina gcúis le saobhadh maidir le hathbhreithniú a dhéanamh ar fheidhmíocht na bliana ar bhliain ghnóthas rialaithe BSL. Mar thoradh ar dhífriochtaí uainiúcháin tá laghdú de €85 milliún tagtha ar an toradh bliana ar bhliain sa ghnó Soláthar Custaiméirí. Tá seo spreagtha ag ráta taraife neamhleor le linn 2008 chun méadaithe suntasacha i gcostais bhreosla a tháinig aníos níos luaithe sa bhliain a aisghabháil.

Bainistiú Riosca Airgeadais

Creat d'Oibríochtaí Cisteachta agus Trádála

Baineann na príomhrioscaí airgeadais atá os comhair an Ghrúpa le malairt eachtrach, ráta úis, agus gluaiseacht praghsanna tráchtarraí (leictreachas agus breosla), creidmheas contrapháirtí agus riosca oibríocháin.

Is í Cistíocht an Ghrúpa atá freagrach as gníomhaíochtaí cistíochta an Ghrúpa ó lá go lá. Coimeádtar Coiste Airgeadais an Bhoird cothrom le dáta maidir le príomhchúrsaí cistíochta agus cuirtear tuarascáil bhliantúil a chuimsíonn an gníomhaíocht cistíochta faoi bhráid an Choiste lena hathbhreithniú chomh maith.

Is é an t-aonad gnó iomchuí (Giniúint Cumhachta, Soláthar Custaiméirí agus ESBI) a bhainistíonn an riosca praghsaí tráchtarra i gcomhthéacs creata bainistithe riosca an Ghrúpa foriomlán. Déanann Bainistiú Riosca Trádála Grúpa na hiarrachtaí seo a chomhordú, agus oibríonn sé chun a chinntiú go ndéantar rioscaí margaidh, creidmheasa agus oibríocháin an Ghrúpa ar shlí a chosnóidh an chuideachta ó chailteanas agus lena léireofar meas ar oibleagáidí imfhálaithe atá ann idir na haonaid ghnó. Déanann Iníúchadh Inmheánach an Ghrúpa athbhreithniú rialta ar gníomhaíochtaí bainistíochta riosca Cisteachta agus Trádála.

Úsáidtear díorthaigh chun rioscaí airgeadais a mhaolú agus déantar iad a fhorghníomhú agus Sonraíocht an Aire Airgeadais a eisíodh faoi choimirce an "Achta um Bearta Airgeadais Chuideachtaí Áirithe agus Chomhlachtaí Eile 1992" á chomhlíonadh. Le linn 2008, níor choinnigh an Grúpa díorthaigh chun críocha amhantracha. Úsáidtear cuntasáíocht fálaíthe de chun CCI 39 go príomha le haghaidh fála dhliteanais airgeadra eachtraigh, rioscaí rátaí úis ó dhliteanais neamhreacha. Clúdaíonn sí fála tráchtarra agus malairte eachtraí a eascraíonn ón MAL chomh maith.

Bainistiú Malairte Eachtraí agus Riosca Ráta Úis

Déantar an chuid is mó de ghnó an Ghrúpa in Éirinn nó san Eoraip. Ainmnítear sreabhadh airgid oibríocháin agus infheistíocht in Euro, go príomha. Eascraíonn nochtadh do riosca maidir le hairgeadra eachtrach as breosla agus ábhair nó seirbhísí eile a cheannach, as fiachas in

ainmníocht airgeadra eachtraigh agus as gnó a dhéantar lasmuigh de chrios an Euro.

Déanann an Grúpa bainistiú ar fhorhmór na nochtáí airgeadra a bhaineann le breosla ag úsáid díorthaí airgeadra amhail conarthaí réamhcheannacháin. Déantar fálú de réir mar is cuí ar nochtadh malairte eachtraí eile. Tá de pholasaí ag an nGrúpa iasachtaí a thógáil in ainmníocht an Euro go díreach nó aon iasacht in airgeadra eachtrach a aistriú go Euro trí ionstraimí díorthaigh a úsáid. Bíonn cásanna áirithe ann ina gcuirtear a mhacasamhail de shócmhainn nó de ghlanreabhadh ioncain in ainmníocht airgeadra eachtraigh in aghaidh fiachais in ainmníocht airgeadra eachtraigh. Ag deireadh 2008, bhí 95% d'fhíachas BSL arna ainmniú le héifeacht in Euro. Tá de pholasaí ag an nGrúpa freisin 50% ar a laghad den phunann fiachais a bheith ag rátaí seasta úis, faoi réir ag costas agus a dtuairtar maidir leis an margadh.

Bainistiú Maoinithe agus Leachtachta

Díríonn straitéis bhainistiú fiachais an Ghrúpa ar phróifíl phunann fiachais ina bhfuil meascán éagsúil de chontrapháirtithe, foinsí maoinithe agus aibíochtaí. Úsáidtear maoiniú struchtúrtha neamhiontaofa agus iontaofa go teoranta nuair is cuí sin, agus cuntas á thabhairt don chomhoiriúnacht idir costais mhaoiniúcháin agus maolú riosca. Comhlíonann na saoráidí iasachta go léir na hAchtanna Leictreachais agus na riachtanais rialála iomchuí agus cothaíonn Cistíocht an Ghrúpa éagsúlacht i mbonn iasachtóra BSL d'fhonn leathadh straitéiseach riosca a bhaint amach.

Tá saoráidí iasachta leordhóthanacha ar bun ag BSL lena chinntiú gur féidir éilimh leachtachta a chomhlíonadh de réir mar a theastaíonn sin. Ag deireadh na bliana bhí breis is €600 milliún ar fáil i saoráidí neamhtharraingte geallta, agus ní aibíonn an chéad cheann díobh seo go dtí 2012. Ina theannta sin, tá iarmhéideanna airgid i seilbh an Ghrúpa, i bhfoirm taic gearrthearma bainc, atá leordhóthanach chun aon riachtanas airgid láithreach a chomhlíonadh.

Leanann an Grúpa ar aghaidh ag monatóiriú margáí ina bhfuil deiseanna rochtain a fháil ar shaoráidí maoiniúcháin níos fad-tearmaí a fhorlíonann straitéis infheistíochta an Ghrúpa agus na riachtanais iasachta a thagann as.

Riosca Creidmheasa Contrapháirtí

Baineann nochtadh do riosca creidmheasa leis an nGrúpa ó na contrapháirtithe lena gcoimeádann sé a chuntais bhainc agus lena ndéanann sé idirbheartaíocht sna margáí airgeadais. Tá de pholasaí ag an nGrúpa srian a chur leis an nochtadh don riosca i gcás gach forais airgeadais ar leith bunaithe ar an rátáil chreidmheasa a nglacfar leis. Bíonn an nochtadh agus na teorainneacha a bhaineann leis faoi athbhreithniú agus faoi mhonatóireacht leanúnach. Déantar rialú ar bhearta déileála trí shainorduithe diana déileála a shocrú leis na contrapháirtithe.

Achoimre agus Ionchas Amach Anseo

D'éirigh leis an nGrúpa feidhmiú go láidir ó thaobh airgeadais de le linn 2008 le gach eochairtháscaire airgeadais laistigh de pharaiméadair inghlactha. Ag breathnú chun cinn, beidh na rudaí seo leanas ar phríomhthosaíochtaí airgeadais an Ghrúpa:

- Ag leanúint ar aghaidh ag seachadadh na gclár suntasach caiteachais chaipitil agus muid ag maoiniú an fháis seo go himmheánach agus go seachtrach araon, ag cothabháil táscairí airgeadais láidre agus clár comhardaithe sláintiúil;
- Ag leanúint ar aghaidh le clár feabhsaithe feidhmíochta chun fás inbhuanaithe a sheachadadh sa Luach Scairshealbhóra;
- Bainistiú an riosca trádála a thagann ón Margadh Aonair Leictreachais agus na margáí bainteacha, ag an am céanna ag leanúint ar aghaidh le straitéisí éifeachtacha soláthair breosla chun luaineacht na bpraghsanna margaidh a mhaolú;
- Na gnóthais rialaithe a fheidhmiú go rathúil laistigh den chreat comhaontaithe rialála; agus
- Fócas leanúnach ar bhainistiú riosca creidmheasa.